

Magnum Bullarium Romanum, Seu Ejusdem Continuatio

Quæ Supplementi loco sit, tum huicce, tum aliis quæ præcesserunt
Editionibus, Romanæ, & Lugdunensi ...

Constitutiones Variorum Pontificum in præcedentibus Editionibus
desideratas, summoque studio hinc inde conquisitas complectens

Luxemburgi, 1741

7. Dignis laudibus &c. De electione libera universis & singulis Ecclesiis
Angliæ Regni concessa: anno 1215.
-

[urn:nbn:de:hbz:466:1-74452](#)

ANNO
1214.

- † Ego Joannes tituli S. Praxedis Presbit. Cardinalis.
 † Ego Guido . S. . in carcere Tullano Diaconus Cardinalis.
 † Ego Victorianus SS. Sergii & Bacchi Diaconus Cardinalis.
 † Ego SS. Cosmæ & Damiani Diaconus Cardinalis.

Datum Romæ, apud S. Petrum per manus Raynaldi Domini Innocentii Acoliti, & Capellani xi. Kal. Maii Indict. 11. Incarnationis Domini, anno M. CC. XIV. ejusdem Domini Innocentii, anno XVII,

V I.
Ex Spicil.
Dacher.
Tom. III.
pag. 57.

Ad Philippum Francorum Regem, ne imposturam usuras in suo Regno patiatur.

INNOCENTIUS EPISCOPUS,

Servus Servorum Dei, charissimo in Christo filio nostro Philippo Regis Francie illustri, Salutem & Apostolicam Benedictionem.

QUANTO melior est anima corpore, tanto spiritualia sunt temporalibus praefenda; unde commodum temporale non est cum spirituali damno querendum, ne unde lucrum queritur temporale, inde spirituale periculum oritur, teste veritate quae dicit: *Quid prodest homini si universum mundum lucretur, anima vero sua detrimentum patiatur.*

Auditis itaque literis, quas tu & quidam Barones tui contrâ dilectum filium R. tituli Sancti Stephani in Cælio-monte Presbyterum Cardinalem Apostolicæ Sedis Legatum, super variis articulis destinatis diversas querimoniae continentis: protinus nobis & querelas contrâ eundem Legatum propolitas, & responsiones ipsius fecimus explicari, easque tibi probabiliter moderatas praesentibus literis mittimus interclusas, hoc tuæ Serenitati breviter respondentes: quod licet idem Legatus à nobis super usurariis non acceperit speciale mandatum, quia tamen in Regno tuo plus solito usuraria pestis increverit; in tantum facultates Ecclesiastum, Militum, aliorumque multorum devorans & consumens, quod nisi tanto langori adhiberetur efficax medicina, intendere non sufficerent ad subsidium Terræ Sanctæ, propter quod ipsum duimus specialiter destinandum unde ipse tamquam spiritualis medicus adversus hanc mortiferam pestem, de consilio virorum prudentium in diversis Conciliis ad curandas animas salubre remedium adinvenit; quo circâ non decet tuam Regalem prudentiam, quæ inter ceteros Principes seculares Christianitatis titulo est insignis, pro aliquo temporali commodo spiritualem impideat profectum, sicut per quasdam literas ad diversas communias destinatas te fecisse dolemus, quas ut prudentiori retractes consilio, praesenti paginae fecimus intercludi: Serenitatem Regiam exhortantes, quantum nec impedias nec facias impediti quomodo in regno tuo Ecclesiastica jurisdictione valeat exerceri. Nos enim prædicto Legato præcipimus, ut ad hoc super his, quantum cum Deo potest, necessarium adhibeat moderamen, ne in aliquo modum excedat, honestas consuetudines & usus rationabiles non immutans, liram omnium generali Concilio reservando; unde volumus & mandamus, ut interim idem negotium hinc inde modestè procedat, quia tunc super his & aliis cum faci approbatione

Concilii statuemus, quod spiritualiter & temporaliter videbimus expedire. Datum Romæ apud sanctum Petrum 11. Idus Maii, Pontificatus nostri anno septimo decimo.

ANNO
1215.

De electione libera universis & singulis Ecclesiis Angliae Regni concessa: anno 1215.

INNOCENTIUS EPISCOPUS,

Servus Servorum Dei, venerabilibus Fratribus, & dilectis filiis universis Ecclesiastarum Prælatis, per Angliam constitutis, Salutem & Apostolicam Benedictionem.

DIGNIS laudibus attollimus magnificenteriam Creatoris quod, postquam idem qui est mirabilis & terribilis in consilio super filios hominum, aliquando toleravit, ut perflando discurreret per Areolam horti sui spiritus tempestatis, quasi ludens taliter in orbe terrarum ut sic ostenderet infirmitatem & insufficientiam nostram nobis, statim, cum voluit, Aquiloni dixit Fla, & Austro noli prohibere imperialisque venis & mari; stauri procellam in auram, ut nautæ portum quietis inveniant peroptatum.

Cùn enim in er Regnum & sacerdotium Anglicanum, non sine magno periculo, atque dampno, super electionibus Prælatorum gravis fuerit controversia diutius agitata, illo tandem, cui nichil est impossibile, quique, ubi vult, spirat mirabiliter, ex mera & spontea voluntate, de consensi communi suorum Baronum, pro salute anima sue ac prædecessorum, & successorum suorum, vobis concessit, & suis litteris confirmavit ut de cetero in universis & singulis Ecclesiis, ac Monasteriis, Cachetibus, & Conventualibus totius Regni Angliae in perpetuum liberè fiant electiones quorumcumque Prælatorum, majorum etiam & minorum.

Nos igitur, hoc gratum & ratum habentes, concessionem hujusmodi vobis, & per vos Ecclesiis & successoribus vestris, prout in ejusdem Regis, litteris perspeximus contrineri, auctoritate Apostolica confirmant, & praesentis scripti patrocinio communimus.

Ad majorem autem firmatatem & perpetuam memoriam hujus rei præfatas Regis litteras, super hoc confertas, praesentibus inferi fecimus; quarum tenor est talis.

Joannes, Dei gratiâ, Rex Angliæ, Dominus Hiberniæ, Dux Normaniæ & Aquitanæ, & Comes Andegaviæ, Archiepiscopis, Episcopis, Comitibus, Baronibus, Militibus, Ballivis, & omnibus, has litteras visuris, salutem.

Quoniam inter nos & venerabiles Patres nostros Stephanum Cantuariensem Archiepiscopum totius Angliæ Primate, & Sanctæ Romanæ Ecclesiæ Cardinalem, Willielmum Londonensem, Eustachium Elyensem, Egidium Herefordensem, Jocellinum Bathonensem, & Glastoniensem, & Hugonem Lincolnensem, Episcopos, super dampnis & ablatis eorum, tempore interdicti, per Dei gratiam, de mera & libera voluntate utriusque partis, plenè convenit, volumus non solum eis quantum secundum Deum possumus satisfacere, verum etiam toti Ecclesiæ Anglicanæ salubriter & utiliter in perpetuum providere.

Inde est quod, qualicumque consuetudo temporibus nostris, & prædecessorum nostrorum hactenus in Ecclesia Anglicana fuerit observata,

VII.
Archiv.
Anglic. T.I.
pag. 197.

ANNO
1215.

& quicquid juris nobis haec tenus vendicaverimus n*on* electionibus quorumcumque Praelatorum, nos ad ipsorum petitionem pro salute animæ nostræ, & prædecessorum, ac successorum nostrorum Regum Angliae, liberaliter mera & spontanea voluntate, de communi assensu Baronum nostrorum concessimus & constitutimus, & hac præsenti charta nostra confirmavimus ut de cætero, universis & singulis Ecclesiis Monasteriis, Cathedralibus, & Conventualibus, totius Regni nostri Angliae, liberè sint in perpetuum electiones quorumcumque Prelatorum majorum & minorum; salva nobis & heredibus nostris custodia Ecclesiarum & Monasteriorum vacantium qua ad nos pertinent.

Promittimus etiam quod nec impediemus, nec impediti permittemus per nos, nec procurabimus quin, in singulis & universis Ecclesiis & Monasteriis memoratis, postquam vacaverint Prelaturæ, quemcumque voluerit liberè sibi præficiant electores Pastorem; peita tamen prius à nobis & heredibus nostris licentia eligendi, quam non denegabimus nec differemus.

Et, si forte, quod absit, denegaremus vel differemus, nichilominus procedent electores ad electionem Canonicam faciendam, & similiter post celebratam electionem noster requiratur assensus, quem non denegabimus nisi aliquid rationabile proposuerimus, & legitime probaverimus propter quod non debeamus consentire.

Quare volumus & firmiter jubemus nequis, vacantibus Ecclesiis vel Monasteriis contra hanc nostram concessionem & constitutionem in aliquo veniat, vel venire præsumat: si quis verò contra hoc aliquo unquam tempore venerit mandationem omnipotentis Dei, & nostram incurrit.

Testibus.

P. Wintoniensi Episcopo,
W. Comite Warenæ,
R. Comite Cœstriae,
S. Comite Wintoniæ,
G. de Mandevilla Comite Gloucesteriæ &
Essexie,
W. Comite de Ferrariis,
W. Briwer,
W. Filio Geroldi,
W. de Cantilupo,
H. de Neivillis,
Roberto de Vere,
W. de Hunteingefeld.

Datum per manus magistri Ricardi de Marris Cancellarii nostri, decimo quinto die Januarii, apud novum Templum London, anno Regni nostri decimo sexto.

Nulli ergo omnino hominum licet hanc paginam nostram confirmationis infringere, vel ei ausu temerario contrarie; si quis autem hoc attemptare præsumperit indignationem omnipotentis Dei, & Beatorum Petri & Pauli Apostolorum ejus se noverit incursum.

Datum Lateran. tertio Kalendas Aprilis, Pontificatus nostri, anno decimo octavo.

Pacta inter Regem Angliæ, & Barones ejusdem Regni damnantur: anno 1215.

ANNO
1215.VIII.
Archiv.
Anglic. T. I.
pag 203.

INNOCENTIUS EPISCOPUS,

Servus Servorum Dei, universis Christi-fidelibus hanc paginam inspecturis, salutem & Apostolicam benedictionem.

ET si charissimus in Christo filius noster Joannes Rex Anglorum illustris, Deum & Ecclesiam vehementer offenderit; unde nos eum vinculo excommunicationis innodavimus, & Regnum ejus Ecclesiastico subjecimus interdicto; ipse tamen (illo misericorditer inspirante qui non vult mortem peccatoris, sed ut convertatur & vivat) tandem conversus ad cor, Deo & Ecclesiae humiliter satisfecit; in tantum quod non solùm recompensationem pro dannis, & restitucionem exhibuit pro ablatis, verum etiam plenariam libertatem contulit Ecclesiae Anglicanæ.

Quinimò utraque sententia relaxata, Regnum suum tamen Angliae quam Hiberniæ, Beato Petro & Ecclesia Romana concessit.

Recipiens illud à nobis in feudum sub annuo censu mille Marcharum, fidelitatis nobis inde præstito juramento; sicut per privilegium ejus appetat aurea Bulla munirum.

Adhuc etiam omnipotenti Deo amplius placere desiderans, signum vivificæ Crucis reverenter accepit, profectus in subsidium Terræ Sanctæ; ad quod se magnifice præparabat: sed humani generis inimicus, qui semper confusus bonis actibus invidere, suis callidis artibus adversus eum Barones Angliae concitavit; ita ut ordine perverso in illum insurgerent, postquam conversus Ecclesiae satisfecit, qui assistebant eidem quando Ecclesiam offendebat.

Orta siquidem inter eos dissentionis materia, cum plures dies statuti fuissent ad tractandum de pace; utrumque interim solennes nunci ad nostram fuerunt præsentiam destinati.

Cum quibus habito diligenter tractatu, post plenam deliberationem scripsimus per eodem Stephano Cantuariensi Archiepiscopo & Episcopis Anglicanis; præcipiendo mandantes, ut ad reformatam inter utrosque veram & plenam concordiam diligens impenderent studium & operam efficacem, omnes coniunctiones & conspirationes, si quæ fuerant forte præsumptæ à tempore subortæ discordiæ inter Regnum & Sacerdotium, Apostolica denunciantes auctoritate castigatas, & per excommunicationis sententiam inhibentes, ne talia de cætero præsumerentur à quoquam. Magnates & nobiles Angliae monendo prudenter, & efficaciter injungendo, ut per manifesta devotionis & humilitatis indicia, ipsum Regem sibi placare studearent: Ac deinde si quid ab eo ducerent postulandum, non insolenter sed humiliter implorarent; regalem conservantes ei honorem & exhibentes servitia consueta, quæ ipsi & prædecessores eorum sibi & prædecessoribus suis impenderunt, cum ab eis, ipse Rex non debet absque judicio spoliari, ut sic quod intenderent possent facilis obtinere.

Nos enim eundem Regem, per literas nostras rogavimus & monuimus, & per præfatos Archiepiscopum, & Episcopos nihilominus rogari & moneri mandavimus, in remissionem sibi peccaminum injungentes; quatenus prædictos magnates & nobiles benignè tractaret, & justas eorum petitiones clementer admitteret, ut & ipsi congaudente cognoscerent, eum in me-

lio-